

Peneroka Felda terpaksa tanggung kerugian jika harga gula kekal rendah - Shabery

Bernama

November 10, 2023 09:50 MYT



Shabery Cheek berkata harga gula standard di negara ini jauh lebih rendah berbanding negara di rantau Asia seperti Thailand yang menjual gula pada RM3.90 hingga RM4 sekilogram. - Foto BERNAMA

KUALA LUMPUR: Kenaikan harga gula mentah berkali ganda sejak 2020 menyebabkan harga gula sebenar jauh melangkaui harga siling yang ditetapkan oleh kerajaan pada RM2.85 sekilogram.

Pengerusi Lembaga Kemajuan Tanah Persekutuan (Felda) Datuk Seri Ahmad Shabery Cheek berkata jika keadaan itu berterusan dan harga gula kekal rendah, ia akan menyebabkan warga peneroka terpaksa menanggung kerugian berterusan.

Ahmad Shabery berkata ini berikutan, mereka merupakan pemegang saham FGV Holdings Berhad (FGV) dan Koperasi Permodalan Felda Bhd (KPF), yang memegang saham utama syarikat pengeluar gula utama negara MSM Malaysia Holdings Bhd (MSM).

"FGV serta KPF masing-masing pemegang saham sebanyak 51 peratus dan 15.27 peratus syarikat MSM dan dalam masa yang sama warga Felda merupakan pemegang saham untuk dua syarikat itu.

"Isu besar (sekarang) adalah harga gula mentah yang melambung tinggi, pada 2020 harga gula mentah kos RM200 per tan, sekarang dah meningkat berkali ganda kepada RM600 per tan.

"Mahal macam mana pun, kos harga siling gula yang dijual kepada orang ramai adalah RM2.85 (sekilogram)," katanya kepada Bernama baru-baru ini.

Katanya ia menyebabkan MSM mengalami kerugian besar dan tidak dapat memberi pulangan yang sepatutnya kepada FGV dan KPF, contohnya pada 2022 apabila kerugian mencecah RM178 juta yang memberi impak besar kepada warga Felda.

Selain itu, katanya harga gula standard di negara ini jauh lebih rendah berbanding negara di rantau Asia seperti Thailand yang menjual gula pada RM3.90 hingga RM4 sekilogram.

"Sebenarnya harga gula kini disubsidi oleh peneroka kerana mereka pemegang saham MSM, bukannya kerajaan. Bayangkan subsidi RM1 sekilogram, itu (jumlah) besar. Tidak adil sekiranya mereka terus menanggung subsidi itu," katanya.

Oleh yang demikian, beliau berharap kerajaan mengambil tindakan yang sewajarnya supaya warga peneroka tidak terus dibelenggu menanggung subsidi gula dan Felda akan berunding dengan kerajaan untuk mencari mekanisme terbaik dalam menyelesaikan isu berkenaan.

-- BERNAMA



Berita Terkini

Lagi



Enam pensyarah UniMAP tersenara antara saintis terbaik dunia



Negara-negara Islam tolak terima pelarian Palestin - PM Anwar



Wanita Kemboja kata 'Melayu malas', polis terima 14 laporan



Konsert Coldplay: PM Anwar akan bincang dengan Mufti Wilayah



KPJ Healthcare, Cenviro terajui revolusi penjagaan kesihatan hijau

Popular di Astro AWANI

- 1 Isu peruntukan: "Nak minta macam mana lagi?" - Syed Abu Hussin
- 2 Baru bergraduasi, gaji bulanan sudah RM15,000
- 3 10 tahun menanti, pasangan suami isteri kini bergelar 'Doktor'
- 4 Jenazah Mustapha Kamal selamat dikebumikan
- 5 Polis ambil keterangan ADUN Kijal

Dapatkan berita terkini melalui emel anda



Emel Anda

DAFTAR

